

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-12253/21
Sarajevo, 09.08.2021. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova I dio

I

Prihvata se preporuka Komisije za javnu nabavku radova i ugovor u predmetu - „Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova I dio, broj obavještenja 422-1-3-106-3-68/21, objavljeno na Portalu javnih nabavki dana 02.7.2021. godine i u “Službenom glasniku BiH- Oglasnik javne nabavke”, br.42/21 od 09.07.2021.godine, dodjeljuje se ponuđaču „Orman“ d.o.o. Kiseljak, sa ponuđenom cijenom za ugovor u iznosu od 467.770,80 KM bez PDV-a, odnosno 547.291,84 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-12253/21 od 30.06.2021. godine Općina Novi Grad Sarajevo pokrenula je otvoreni postupak javne nabavke „Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova I dio, broj obavještenja 422-1-3-106-3-68/21, objavljeno na Portalu javnih nabavki dana 02.7.2021. godine i u “Službenom glasniku BiH- Oglasnik javne nabavke”, br.42/21 od 09.07.2021.godine. Zapisnikom o otvaranju ponuda od 26.07.2021. godine Komisija je konstatovala da je u predviđenom roku, u propisno upakovanim kovertama, pristiglo pet (5) ponuda ponuđača:

1. „Orman“ d.o.o. Kiseljak,
2. „Struktura“ d.o.o. Jajce,
3. „Bucomerc“ d.o.o. Kiseljak,
4. „Grakop“ d.o.o. Kiseljak,
5. „Komgrad-Ze“ d.o.o. Zenica

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Struktura“ d.o.o. Jajce ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost - da je ponuđač opremljen neophodnom opremom za obavljanje predmetnih radova, a tačkom 3.4.2. (d) propisano je da se navedeno dokazuje na sljedeći način: kao dokaz o bezbjednosti opreme dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavljaju važeće saobraćajne dozvole, (original ili ovjerena kopija), a za radne mašine saobraćajnu ili upotrebnu dozvolu sa zapisnikom koji dokazuje tražene karakteristike (original ili ovjerena kopija).

Uvidom u dostavljenu dokumentaciju ponuđača „Struktura“ d.o.o. Jajce konstatovano je da ponuđač dostavio upotrebne dozvole za tražene radne mašine ali nije dostavio zapisnike uz upotrebne dozvole za: bager, valjak do 2t, valjak od 2-6t, finišer, frezu za asfalt, rezač za asfalt i beton, vibro ploču mase 150-200kg, kao ni za vibro nabijač (skakavac), što je bio obavezan dostaviti u skladu sa navedenom tačkom tenderske dokumentacije, a posebno jer se iz dostavljene upotrebne dozvole za vibro ploču ne vide tražene karakteristike.

Iz naprijed navedenih razloga utvrđeno je da ponuđač „Struktura“ d.o.o. Jajce ne ispunjava uslove tražene u tenderskoj dokumentaciji iz tački 3.4.1. (c) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u ponudu ponuđača „Bucomerc“ d.o.o. Kiseljak analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku Komisija je utvrdila da ista ne ispunjava formalno-pravne i kvalifikacione uslove tražene u tenderskoj dokumentaciji. Naime Ponuđač „Bucomerc“ d.o.o. Kiseljak je preuzeo ispravku tenderske dokumentacije za koju je objavljeno obavještenje o nabavci broj TD_IZM1_422-1-3-106/21 od 09.07.2021.godine i TD_IZM2_422-1-3-106/21 od 15.07.2021.godine. Međutim, Komisija je ustanovila da ponuđač prilikom pripreme ponude nije koristio izmijenjeni Obrazac za ponudu (Aneks2) pa je tako ponuđač na strani broj 5.ponude koristio prvobitni obrazac za ponudu, te zaokružio da dostavljena ponuda ispunjava uslov za primjenu preferencijalnog tretmana domaćeg, što je ispravkom tenderske dokumentacije brisano. Nadalje Komisija je ustanovila da ponuđač prilikom pripreme ponude nije koristio izmijenjeni Obrazac za cijenu ponude (Aneks 3), pa je tako na strani broj 9.ponude ponuđač koristio prvobitni obrazac – Aneks 3. Ispravkom tenderske dokumentacije na stranici 21 iste dodana je mjerna jedinica metar kvadratni (m²), a na strani broj 9. dostavljene ponude ponuđača „Bucomerc“ d.o.o. Kiseljak stoji mjerna jedinica metar (m).

Kako je tačkama 4.4.1 i 4.4.2. – Cijena ponude navedeno da ponuđač treba popuniti obrazac za ponudu i obrazac za cijenu ponude koji se nalaze u prilogu ove tenderske dokumentacije, u skladu sa svim podacima koji su definisani u Aneksima 2. i 3.; te da ukoliko ponuđač propusti popuniti obrazac za cijenu Aneks 3, u skladu sa postavljenim zahtjevima za sve stavke koje su navedene, to će ponuda ponuđača biti odbačena.

Iz naprijed navedenih razloga utvrđeno je da ponuđač „Bucomerc“ d.o.o. Kiseljak ne ispunjava uslove tražene u tenderskoj dokumentaciji iz tački 4.4.1. i 4.4.2., te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u ponudu ponuđača „Komgrad-Ze“ d.o.o. Zenica analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku Komisija je utvrdila da ista ne ispunjava formalno-pravne i kvalifikacione uslove tražene u tenderskoj dokumentaciji. Naime Ponuđač „Komgrad-Ze“ d.o.o. Zenica je preuzeo ispravku tenderske dokumentacije za koju je objavljeno obavještenje o nabavci broj TD_IZM2_422-1-3-106/21 dana 15.07.2021.godine. Međutim, Komisija je ustanovila da ponuđač prilikom pripreme ponude nije koristio izmijenjeni Obrazac za ponudu (Aneks2) pa je tako ponuđač na strani broj 3.ponude koristio prvobitni obrazac za ponudu, te zaokružio da dostavljena ponuda ispunjava uslov za primjenu preferencijalnog tretmana domaćeg, što je ispravkom tenderske dokumentacije brisano.

Kako je tačkama 4.4.1 i 4.4.2. – Cijena ponude navedeno da ponuđač treba popuniti obrazac za ponudu i obrazac za cijenu ponude koji se nalaze u prilogu ove tenderske dokumentacije, u skladu sa svim podacima koji su definisani u Aneksima 2. i 3.; te da ukoliko ponuđač propusti popuniti obrazac za cijenu Aneks 3, u skladu sa postavljenim zahtjevima za sve stavke koje su navedene, to će ponuda ponuđača biti odbačena.

Nadalje Komisija je utvrdila da ponuđač „Komgrad-Ze“ d.o.o. Zenica ne ispunjava kvalifikacioni uslov tražen u tenderskoj dokumentaciji iz tačke 3.4.1.a) tehnička i profesionalna sposobnost da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 600.000,00KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora, koji su realizovani u posljednje tri godine sa vrijednostima, datumima i naručiocima radova. Uz spisak izvršenih ugovora ponuđač je dužan dostaviti najmanje jednu potvrdu za ugovor koji za predmet ima radove koji su u vezi s predmetom nabavke vrijednosti najmanje 600.000,00 KM sa PDV-om, koju je izdala ugovorna strana -naručilac radova. Ponuđač je dostavio potvrdu o uspješno realizovanom ugovoru koju je izdala Općina Travnik broj 01-2144/20, od 16.12.2020.godine, u kojoj se navodi da je predmet radova izgradnja kanizacionog kolektora gradskog područja Općine Travnik-faza I i rekonstrukcija ulice Erika Brandisa. Iz dostavljene potvrde Komisija nije mogla utvrditi u kojem obimu (vrijednosti) su izvršeni radovi koji se odnose na rekonstrukciju ulice (i u vezi su sa predmetom nabavke), te stoga nije mogla ocijeniti dostavljenu potvrdu kao prihvatljivu.

Iz naprijed navedenih razloga utvrđeno je da ponuđač „Komgrad-Ze“ d.o.o. Zenica ne ispunjava uslove tražene u tenderskoj dokumentaciji iz tački 3.4.1. (a), 4.4.1 i 4.4.2., te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu preostalih ponuda te konstatovala da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Orman“ d.o.o. Kiseljak sa ponuđenom cijenom za ugovor u iznosu od 467.770,80 KM bez PDV-a i 2. „Grakop“ d.o.o. Kiseljak sa ponuđenom cijenom za ugovor u iznosu od 503.041,77 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 05.08.2021. godine sa početkom u 13:30 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-106/21 od 05.08.2021. godine, utvrđeno je da nije bilo podnošenja ponuda te je Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Orman“ d.o.o. Kiseljak sa ponuđenom cijenom za ugovor u iznosu od 467.770,80 KM bez PDV-a;
2. „Grakop“ d.o.o. Kiseljak sa ponuđenom cijenom za ugovor u iznosu od 503.041,77 KM bez PDV-a.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „Orman“ d.o.o. Kiseljak.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić